


# Sagardotegietako lehia



••• Dantza, bertsoa eta trikitixa dira lehengalak; giroa, berriz, sagardotegikoa.

PABLO S. QUIZA

**'Upeletan Erronka' ikuskizunak dantza, trikitixa eta bertsoak uztartzen ditu ■ Laxok taldeak, Egaña eta Peñagarikano bertsolariak eta Ansorregi eta Larrañaga trikitilariak parte hartzen dute**

LAXOK taldeak ekoltzirik, udazkenean estreinatu zuten *Upeletan Erronka* ikuskizuna, sagardotegi bateko upele artean girotutako norgehiagoka. Dantza du ardatz, baina bertsolariak eta trikitilariak ere aritzen dira ikuskizunean.

Elkarren aurka sagardotegi batean egiten den erronka da *Upeletan Erronka* ikus-

kizunaren funtsa. «Taldea bakoitza bertsolari batez eta bi dantzari dago osatua, eta trikitilariak bi bandoen lagun egiten dira, giroa alaituz», azaldu digu Jon Mayak, ikuskizuneko dantzari eta sortzaileetako batek. Bi aldeetakoek hainbat proba gainditu behar dituzte, erronkaren barruan, hainbat dantze-

kin. Unerik golena baso-dantzarekin iristen da. Bertsolariak, berriz, istorioa kokatu egiten dute, eta oholtzan gertatzen dena kontatzen joaten dira.

«Herri bakoitzean egokitu egiten dugu istorioa, eta horregatik bertsolarien saloa ere bat-batekoa da, herri bakoitzean desberdina», gaineratu du Mayak. Dan-

tzariek ere bat-batekotasuna lantzen dute, batez ere edalontziari dagokion pasarte eta dantzan.

Sagardotegi batean kokatzeak badu bere arrazola, ez da besterik gabe egina: «Trikitilariak, bertsolariak eta dantzariak hobekien uztartzen dituen giroa da», taldeko kideen esanetan. Girotu ere, hala egin dute, eta agertoki gainean sei upel jarri dituzte, sagardotegiko mahai eta guzti. Gainera, upeletatik benetako txotxa egiten da, sagardotegia erabat egiazkoa bilakatuz.

Ikuskizun honen gibelean zortzi lagun daude: Jon Maya, Kimetz Larrañaga, Iban Agote eta Oier Imaz

Herri guztietan egokitu egiten dute istorioa, bakoitzean desberdina da

dantzariak —eurek osatzen dute Laxok taldea—; bertsoetan Andoni Egaña eta Anjel Mari Peñagarikano aritzen dira; eta soinu-panderoe-kin, berriz, Ansorregi

eta Larrañaga trikitilariak.

Orain arte hamarren bat emanaldi eskaini dituzte, eta aitzinera begira ere mordo bat dute aurreikusirik Euskal Herrian: Urnietan, Donibane-Garazin, Errenterian, Hondarribian, Irunen, Legazpin, Mendaron, Lasarten, Azkoitian...

Herri horietara guztietara iritsiko da sagardotegia, sagardo giroa, dantza, bertsoa eta trikitixa elkarrekin uztarturik.

SAGARDOAREN BIHOTZA  
ASTIGARRAGA



Astigarragako Udala

EUSKAL PRESOK



EUSKAL HERRIRA

**Zatoz Sagardoaren Herrira!  
Egizu bat gurekin!  
Juan Luis, Petra eta Argi,  
Lehenengo "Txin-txin" zuekin!**